



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-8-12/19
Sarajevo, 14.10.2019. godine

Na osnovu člana 64. člana 70. člana 88. i člana 89. Zakona o javnim nabavkama BiH ("Službeni glasnik BiH", broj 39/14) i Preporuke komisije za javne nabavke broj JN1-16-4-8-11/19 od 08.10.2019. godine, direktor Agencije za statistiku BiH donosi:

ODLUKU
o izboru najpovoljnijeg ponuđača

Ugovorni organ - Agencija za statistiku BiH - prihvata Preporuku Komisije broj JN1-16-4-8-11/19 od 08.10.2019. godine za izbor najpovoljnije ponude za nabavku usluge – štampanje redovnih publikacija, anketnog i promo materijala (JRJN 30200000-1) za potrebe Agencije za statistiku BiH, koja se provodi u skladu sa članom 88. i članom 89. Zakona o javnim nabavkama, a po odluci za nabavku predmetne usluge broj: JN1-16-4-8-1/19 od 03.09.2019. godine, te je kao najuspješniji ponuđač izabrana firma "Štamparija Fojnica" d.d. Fojnica sa ponuđenom cijenom u iznosu od 42.021,72 KM sa PDV-om (ponuda broj 183/19 od 11.09.2019. godine).

Obrazloženje

Agencija za statistiku BiH je uputila pozive na tri (3) adrese u cilju dostave ponuda za nabavku usluge – štampanje redovnih publikacija, anketnog i promo materijala 04.09.2019. godine, a istovremeno je objavila Obavještenje o nabavci na portalu Agencije za javne nabavke broj 11-7-2-8-3-10/19.

Na gore navedeni poziv prijavila su se ukupno dva (2) ponuđača i to:

1. 51-02-0047-09 "Štamparija Fojnica" d.d. Fojnica sa ponuđenom cijenom u iznosu od 42.021,72 KM sa PDV-om.
2. 65-01-1045-12 „R&S“ d.o.o. Vogošća sa ponuđenom cijenom u iznosu od 59.867,03 KM sa PDV-om.

Komisija je izvršila analizu pristiglih ponuda i konstatovala da iste ispunjavaju tražene uslove iz TD i kao takve su prihvatljive ponude. Pošto je za predmetni postupak javne nabavke predviđeno provođenje e-Aukcije, ista je provedena 27.09.2019. u 12:00 sati. Prema izvještaju o toku i završetku E-aukcije koji je automatski generisan iz sistema elektronskih javnih nabavki u toku trajanja iste ponuđači „Štamparija Fojnica“ d.d. Fojnica i „R&S“ d.o.o. Vogošća nisu vršili snižavanje početnih cijena svojih ponuda.

Nakon provedene e-Aukcije konačna rang lista ponuđača izgleda ovako:

1. „Štamparija Fojnica“ d.d. Fojnica sa ukupnom cijenom od 42.021,72 KM sa PDV-om;
2. „R&S“ d.o.o. Vogošća sa konačnom cijenom od 59.867,03 KM sa PDV-om.

S obzirom da konačna cijena ponuđača „Štamparija Fojnica“ d.d. Fojnica u iznosu od 42.021,72 KM sa PDV-om premašuje planirani budžet ugovornog organa za predmetnu

nabavku od 40.000,00 KM sa PDV-om, komisija je izvršila konsultacije sa odsjekom za finansijsko-računovodstvene poslove nakon koje je utvrđeno da ugovorni organ može obezbijediti dodatna finansijska sredstva kako bi se ugovor za predmetnu nabavku mogao realizovati.

Analizirajući ponude u skladu sa članom 65. ZJN i postavljenim kriterijima u tenderskoj dokumentaciji (TD) za predmetnu nabavku, te nakon provedene e-Aukcije kao najpovoljniji ponuđač sa kojim ugovorni organ namjerava zaključiti ugovor o predmetnoj nabavci je „Štamparija Fojnica“ d.d. Fojnica na osnovu ponude broj 183/19 od 11.09.2019. i cijenom u iznosu od 42.021,72 KM sa PDV-om koja nakon provedene e-Aukcije nije snižena. S obzirom da je ponuda ponuđača „Štamparija Fojnica“ d.d. ocjenjena kao prihvatljiva i sa najnižom cijenom, Komisija za nabavku predlaže prihvatanje iste i daje Preporuku ugovornom organu da se u skladu sa članom 70. ZJN donese odluka o izboru najpovoljnijeg ponuđača.

Nakon razmatranja i ocjene navedene ponude („Štamparija Fojnica“ d.d. br. 183/19 od 11.09.2019. godine) koja ispunjava uslove iz poziva, na sastanku komisije održanom dana 18.09.2019. sa kojeg je sačinjen zapisnik broj: JN1-16-4-8-8/19, a koji je nastavljen 30.09.2019. nakon održane e-Aukcije, Komisija za nabavke je u skladu sa članom 65. ZJN BiH zaključila da da preporuku za izbor najpovoljnijeg ponuđača „Štamparija Fojnica“ d.d. Komisija je posebnom odlukom tj. Preporukom broj JN1-16-4-8-11/19 od 08.10.2019. godine predložila ugovornom organu izbor najpovoljnijeg ponuđača za zaključenje ugovora za predmetnu nabavku usluge – štampanje redovnih publikacija, anketnog i promo materijala konačnom cijenom u iznosu 42.021,72 KM sa PDV-om.

Navedeni ponuđač ocjenjen je kao najuspješniji i najpovoljniji za Ugovorni organ, jer je ponudio najnižu cijenu što je u skladu sa članom 64. i članom 65. ZJN, nakon provedene e-Aukcije.

Ugovorni organ će sa izabranim ponuđačem (po pravosnažnosti ove odluke) zaključiti ugovor u kojem će se precizirati uslovi i vrijeme realizacije ponude izabranog ponuđača.

Ova odluka objaviće se na web stranici Agencije za statistiku BiH u skladu sa članom 70. ZJN.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. ZJN. Izabrani ponuđač je obavezan da dostavi tražene dokaze (date u izjavi) u skladu sa članom 45. ZJN BiH u roku od **deset (10) dana** od dana prijema Odluke i obavještenja o izboru najpovoljnijeg ponuđača tj. prije potpisivanja ugovora.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalba u skladu sa članom 99. i 101. ZJN. Žalba se podnosi ugovornom organu. Agencija za statistiku BiH Zelenih beretki 26, 71 000 Sarajevo.



Direktor
Dr. sc. Velimir Jukić

Dostaviti: - Ponuđačima
- Web stranica
- a/a

Prilog: - Zapisnik o pregledu i ocjeni ponuda